



**Tertia Seraphica Vinea, Sive Tertius Ordo De Poenitentia
à S.P.N. Francisco institutus**

Pauck, Engelbert

Coloniae, 1720

Num. 108. Monitorium, & remedium Juris, super observatione allegatorum
Brevium cum inhibitione.

[urn:nbn:de:hbz:466:1-64103](#)

missarius Generalis Curiæ prædictas *Clementis*, ac *Pauli* & *Urbani* Prædecessorum literas, cum Clausulis in iisdem contentis, à Nobis innovari; & omnes aliorum Romanorum Pontificum Successorum Concessiones, ad favorem dictorum Ordinuum, Congregationum, Confraternitatum, Locorum, Beneficiorum, & aliarum utriusque Sexus Personarum, prædictæ Obedientia seu Directioni subjectarum expeditas, Apostolicæ Confirmationis nostræ patrocinio communiri plurimùm desideret; Nos ipsius Francisci Commissarii Generalis Curiæ votis, hac in re (quantum cum Domino possumus) favorabiliter annuere volentes, eumque à quibusvis Excommunicationis, Suspensionis, & Interdicti, aliisque Ecclesiasticis Sententiis, Censuris, & Pœnis, à Jure, vel ab homine, quavis occasione vel causâ latis (si quibus quomodolibet innodatus existit) ad effectum præsentium duntaxat consequendum, harum serie absolventes, & absolutum fore, censentes: supplicationibus ejus nomine Nobis super hoc humiliter porrectis inclinati, de Venerabilium Fratrum Nostrorum sanctæ Romanæ Ecclesiæ Cardinalium negotiis, & consultationibus Episcoporum, & Regularium præpositorum consilio, & attentâ relatione: quam Venerabilis eriam Frater noster Alderanus Episcopus Portuensis ejusdem sanctæ Romanæ Ecclesiæ Cardinalis Cybo nuncupatus, dicti Ordinis apud Nos, & Sedem Apostolicam Protector, eidem Cardinalibus super præmissis fecit: prædictas *Clementis*, incipientes: *Ratio Pastoralis*, &c. & *Pauli*, quarum initium: *In iunctu nobis*, &c. & *Urbani* Prædecessorum, quæ incipiunt: *In plenitudinem*, &c. aliotumque Romanorum Pontificum Successorum literas super præmissis respectivè emanatas [dummodo tamen sint in usu, nec sint revocatae, aut sub aliqua revocatione comprehensa

Vinea Seraphica.

sacrisque Canonibus & Concilii Tridentini Decretis, ac posterioribus Constitutionibus, & Ordinationibus Apostolicis, regularibus que Ordinis prædicti Institutis non aduersentur] Authoritate Apostolicâ, tenore præsentium, confirmamus & approbamus; illisque inviolabilis Apostolicæ firmitatis robur adjicimus; salvâ tamen semper in præmissis Authoritate Congregationis memoratorum Cardinalium.

Decernentes: præsentes literas semper firmas, validas, & efficaces existere, & fore, subique plenarios & integros effectus sortiri & obtinere; ac illis [ad quos spectat, & pro tempore spectabit] plenissime suffragari, sique in præmissis per quoscunque Judices ordinarios, & delegatos, etiam Caularum Palatii Apostolici Auditores, judicari, & definiri debere, ac irritum & inane, si secus super his à quoquam, quavis auctoritate, scienter, vel ignoranter contigerit attentari; in contrarium facientibus non obstantibus quibuscumque. &c.

Volumus autem, ut earundem præsentium literarum transumptis, seu exemplie etiam impensis, manu alicujus Notarii publici subscriptis, & Sigillo Personæ in Ecclesiastica dignitate constitutæ munitis, eadem prorsus fides ubique locorum, tam in Judicio, quam extra illud habeatur, quæ ipsis præsentibus haberetur; si forent exhibitæ vel ostensæ. Datum Romæ apud S. Mariam Majorem sub annulo Piscatoris. die 5^{ta} Septemb. anno millesimo sexcentesimo octuagesimo sexto, Pontificatus nostri anno decimo.

G. Cardinalis Slusius.

CVIII. Cumque Nobis summopere cordi sit, & nostrum munus ac officium expolet; ut omnes Constitutiones, Privilegia & Literæ Apostolicæ suos plenarios

Q

inte-



integrōsque fortiantur effectus , debitæque, totali , omnimodæ & integræ executioni demandentur ; ideoque ad ulteriore requisitionem & instantiam dicti Fratris Francisci Diaz principalis Instantis , fuimus instanter & debite requisiti ; quatenus ei in præmissis de aliquo opportuno Juris remedio providere , & Monitorium super observatione cum inhibitione decernere , & concedere velle dignaremur.

Nos igitur Carolus Pichius, Judex , & Auditor antedictus . &c.

Sequitur Monitorium ad extensum, quod videri potest in Directorio trium Ordinum. fol. 235.

CIX. *Innocentius XII.* in suo Brevi : *Debitum Pastoralis Officii.* &c. dato Romæ ad S. Mariam Majorem sub Annulo Piscatoris. die 19. Maii 1694. Pontificatus sui anno 3^{to}. eandem communionem trium Ordinum S. Francisci approbavit , confirmavit , & roboravit. Imò ex eo Brevi appetet, quod conceditur uni Provinciae , in gratiis spiritualibus , intuitu universæ Religionis [nisi specialiter caveatur] censi omnis commune. In eodem Brevi §. 42. continet hic tenor :

Quo ad Tertiarios , & Chordigeros, serventur Statuta , seu Decreta Capituli Generalis , Romæ , [ut præfertur] anno 1688. celebrati : omnimodaque adhibeat cura, ut in cunctis confraternitatibus erectis , seu erigendis, in Ecclesiis Conventuum, seu Monasteriorum prædictæ Provinciae , exercitium viae Crucis & Orationis mentalis quam citius stabiliatur, eoque introducto una ex Dominicis , seu diebus festivis pro quolibet mente , à Superiori locali, de assensu discretoriis Conventus , seu Monasterii in perpetuum assignabitur , ad consequendam Indulgentiam plenariam, novissimè à sanctissimo Domino nostro *Innocentio XI.* in Brevi : *Adeas.* &c.

benigne concessam ; & quia indulgentiæ Stationis sanctissimi Sacramenti revocatae non sunt ; ipsius recitatio quotidiana omnibus tam Fratribus, quam Monialibus, & Tertiariis secularibus enixè commendatur. Breve habetur in Camera A. R. Patris Diaz Romæ in Ara Cæli.

Subscriptum erat,
J. F. Cardinalis Albanns.

Q UAMVIS ergo in quibusdam Brevibus Indulgentiæ concessæ Ecclesiis Fratribus Minorum expressæ , directè , & immediate non extendantur ad Ecclesiæ Monialium; indirectè tamen & virtualiter per communicationem factæ sunt communes Ecclesiæ Monialium & Tertiiorum. Utì de omnibus privilegiis , & gratiis spiritualibus , par modo indubitanter tener *P. Gaudentius Kerckhoff*, *Comment. in Statut.* C. 7. §. 25. Ideoque recedendum ab opinione *P. Mattheucci* relatæ suprà C. 7. Q. 2. n. 26. De Brevibus autem pluribus Innocentii XII. tractatur C. sequenti.

C A P U T XXIII.

Brevia, Constitutiones, & Ordinationes *Innocentii XII.* circa tres Ordines Sancti FRANCISCI.

CX. *J* Uxta Rubricas particulares Breviarii Romani , impressi sollicitudine reverendissimi Patris Bonaventuræ Boërii, totius Ordinis Fratrum Minorum ex Electis secundum regulam Ministri Generalis , nunc in Regno Neapolitano Archi-Episcopi Salernitani , & approbati ab *Innocentio Papa XII.* præscribitur forma Deo persolvendi Laudes , & ordinandi Divinum Officium , titulo 12. Rubric. particularium ; quæ forma ab omnibus Fratribus Ordinibus, & Congregationibus Obedientiæ Ministri Generalis Fratrum

Mi-